

Давлат солиқ қўмитаси раиси ўринбосари Ж.Абдиевнинг фаолият самарадорлиги ҳамда мақсадли вазифаларга эришишини баҳолашнинг АСОСИЙ МЕЗОНЛАРИ

(солиқ тўловчиларга хизмат кўрсатиш, Солиқ солиш методологияси масалалари)

Солиқ қонунчилиги нормаларини бир хилда қўлланилишини таъминлаш бўйича тушунтириш ишларини олиб бориш

Ўзбекистон Республикаси Вазирлар Маҳкамасининг 2022 йил 12 майдаги 255-сон қарорининг мазмун-моҳияти, кенг ёритилишини мақсадида жорий йилнинг май ойида «Севимли» телеканалининг «Орамиздаги одамлар» кўрсатуви ҳамда «Маҳалла» телеканалининг «Минбар» кўрсатуви орқали, шунингдек Ўзбекистон радио канали орқали эфирга узатилган «Бугуннинг мавзуси» лойиҳасида тушунтиришлар берилди.

Шунингдек, қарорлар ижроси юзасидан Қўмитанинг ижтимоий тармоқлардаги (телеграм, фәсебоок, инстаграм, твитер) саҳифаларига маълумотлар жойлаштирилди.

Ижтимоий тармоқлар орқали йўлланган 178 та саволларга тезкор жавоблар тайёрлаб, муаллифларга етказилди. Бундан ташқари, Қўмитага келиб тушган 220 та солиқ тўловчиларнинг мурожаатлари кўриб чиқилиб, муаллифларга жавоб хатлари юборилиши таъминланди.

Ўзини ўзи банд қилган ходимларни солиқ органларида ҳисобга олиш

Аҳолини тадбиркорликка янада кенг жалб қилиш орқали ўзини ўзи банд қилган шахсларни солиқ органларида ҳисобга олиниши юзасидан амалга оширилган ишлар натижасида ўтган 2022-йил давомида **565,8 минг нафар** фуқаролар ўзини ўзи банд қилган шахс сифатида солиқ органларида ҳисобга олиниши таъминланди.

Жумладан, Ижтимоий йўналишлар бўйича хизматлар (*Уйда репетиторлик қилиш, болаларга қараб туриш ва уларни парвариш қилиш, уй хўжалигини юритиш, хоналарни тозалаш, халқ табобати, ҳамширлик иши*) **75,7 минг нафар**, Саноат йўналиши бўйича хизматлар (*Ёғоч меъморчилиги, сантехника хизмати, электр монтаж ишлари, макулатура, пластик идиш, темир терсак тўплаш ва қўшимча хомашё тўплаш*) **84,5 минг нафар**, Қишлоқ хўжалиги йўналиши бўйича хизматлар (*Чорва молларини ўтлатиш, уларни парвариш қилиш, қишлоқ хўжалик ўсимликларини экиш ва парвариш қилишда томорқа эгаларига ёрдам бериш*) **243,6 минг нафар**, Ахборот комуникатсия йўналиши бўйича хизматлар (*Ижтимоий тармоқлардаги фаолият, дастурий таъминот, мобил иловалар ва веб сайтларни ишлаб чиқиш, матнни яратиш ва ишлов бериш*) **11,5 минг нафар**, Маиший хизматлар (*Сартарошлик, маникюр, косметолог, педикюр, уйда кир ювиш ва дазмоллаш, калитлар тайёрлаш,*

поябзал тикиш, таъмирлаш ва бўйаш хизматлари) **119,9 минг нафар**, Халқ истеъмоли моллари ишлаб чиқариш ва хизматлар кўрсатиш (*Нон, уйда поп-корн, музқаймоқ, салатлар, салқин ичимликлар, айрон, гўжа ҳамда деҳқон бозорлариша қишлоқ хўжалиги маҳсулотларини сотиш*) **30,5 минг нафар** аҳоли бандлиги таъминланди.

Шунингдек, 2022 йилнинг 1-июн ҳолатига **159,4 минг нафар** аҳоли томонидан **40 684,0 млн.сўм** ижтимоий солиқ суммаси тўлаб берилган.

Солиқ мажбуриятига эга бўлган юридик шахслар томонидан солиқ ҳисоботларини топширилишини мониторинг қилиб бориш

2022 йил апрел ойи учун ҳисобот топшириш мажбуриятига эга бўлган юридик шахслар томонидан қўшилган қиймат солиғи, акциз, фойда, айланмадан олинадиган солиқ, жисмоний шахслардан олинадиган даромад солиғи ва ер қаъридан фойдаланганлик учун солиқ ҳисоботларини тақдим қилиниши таҳлил қилинганда қуйидагилар аниқланди.

Айланмадан олинадиган солиқ ҳисоботини республика бўйича **286,9 мингта** корхонанинг **1,2 мингтаси (0,5%)** тақдим қилмаган.

2022 йил апрель ойи учун **ҚҚС бўйича** ҳисобот тақдим этилиши лозим бўлган **150,4 мингта** корхонадан **1,2 таси (0,8%)** ҳисобот тақдим қилмаган.

Фойда солиғи бўйича ҳисобот тақдим этилиши лозим бўлган **148,5 мингта** корхонадан **6,7 мингтаси (2,3 %)** ҳисобот тақдим қилмаган.

2022 йил **апрель ойи** учун **жисмоний шахслардан олинадиган даромад солиғи** ҳисоботини топшириш мажбуриятига эга бўлган **465,6 мингта** юридик шахслардан **1,5 мингтаси (2,5 %)** ҳисобот тақдим қилмаган.

Шунингдек, **Республика бўйича 202 та** туман ва шаҳарларда ҳисобот топширмаган корхоналар **50 фоиздан** кўпни ташкил қилади.

Жумладан, Тошкент вилоятида 22 та, Фарғонада 19 та, Қорақалпоғистон Республикасида 17 та, Андижонда 16 та, Самарқандда 16 та, Сурхондарёда 15 та, Қашқадарёда 15 та, Бухорода 12 та, Наманган ва Хоразм вилоятларида 12 тадан, Жиззах ва Навоий вилоятларида 11 тадан, Тошкент шаҳрида 12 та туман ва шаҳарлардан **ҳисобот топширмаган корхоналар сони 50 фоиздан** кўп.

2022 йил январь ойи учун **акциз солиғи** бўйича ҳисобот тақдим этилиши лозим бўлган **4,4 мингта** корхонадан **8 таси (0,02%)** ҳисоботни тақдим қилмаган.

Ер қаъридан фойдаланганлик учун солиқ ҳисобот тақдим этилиши лозим бўлган **2 052 та** корхонадан **242 таси (11 %)** ҳисобот тақдим қилмаган.

**«Ижро.гов.уз» ижро интизоми идоралараро ягона электрон тизими орқали
топшириқ ва вазифалар ижросининг таъминланиши**

Ўзбекистон Республикаси Президенти раҳбарлигида 2022 йил 4 март кўни «Олий таълим муассасалари талабалари бандлигини таъминлаш бўйича устувор вазифаларни белгилаш тўғрисида» ўтказилган йиғилишининг 19-сон баёни ҳамда Вазирлар Маҳкамасининг 2022 йил 10 мартдаги «Талабалар ижтимоий шароитини яхшилаш ва бандлигини таъминлаш бўйича Республика комиссияси мажлиси»нинг 1-сон баёнининг 3-илова 12-банди ижроси юзасидан, олий таълим муассасалари ҳудудида ташкил этилган пуллик ўқув курслари, спорт тўғараклари ва бошқа хизматларни ташкил этган талабаларни даромад солиғидан озод қилиш юзасидан тегишли ўзгартиришлар киритиш бўйича Молия вазирлигига таклифлар юборилди.

Шунингдек, Ўзбекистон Республикаси Президентининг “Иқтисодиётда давлат иштирокини янада қисқартириш ва хусусийлаштиришни жадаллаштиришга оид қўшимча чора-тадбирлар тўғрисида” 2022 йил 18 мартдаги ПҚ-168-сон қарорининг 12.3-бандида вазирлик ва идоралар икки ой муддатда ўзлари қабул қилган норматив-ҳуқуқий ҳужжатларни мазкур қарорга мувофиқлаштириш вазифаси юклатилган бўлиб, Давлат солиқ қўмитасининг солиққа оид норматив-ҳуқуқий идоравий ҳужжатлари хатловдан ўтказилиб, хатлов ўтказилиши натижасига кўра Ўзбекистон Республикаси Президентининг 2022 йил 18 мартдаги ПҚ-168-сон қарорига мувофиқлаштирилиши лозим бўлган ҳужжатлар аниқланмаганлиги Вазирлар Маҳкамаси, Адлия вазирлиги ва Ҳисоб палатасига 18/1-44965-сон хати орқали маълум қилинди.

01.06.2022 йил ҳолатига